


Renobacion edificio 'Oficinadi Hueznan'

ORANJESTAD(AAN)- Desde 1 Januari 1986, ora cu Aruba a haya su Status Aparte, esaki a trece cierto cambionan pa locual ta trata e poder Hudicial. A bin un corte di Husticia Comun pa Aruba y Antiyas y esaki a trece algun cambionan di Ley pa pone funcionamiento di e corte bay den un bon direccion.

Consecuentemente Aruba logra haya su propio parket di su Procurador General, tur esaki a trece cune cu casonan por a ser trata sin ningun retraso.

Actualmente Aruba tin 4 Huez y 2 miembro interino, di cual cinco ta full time. Indudablemente pa e trabao di e hueznan engrandece y pa duna un bon servicio na e comunidad Arubano mester di un localidad adecuado.

Gobierno den su maneho desde 1 Januari 1986 a pone enfasis ariba mehoracion di e servicio gubernamental, "upgrade" personal y percursa pa alocamiento adecuado pa optimal funcionamiento di su departamentonan. Treciendo un aspeco mucho mas positivo y aceptable door di renobacion di edificionan y/of



construccion di edificionan nobo.

A tuma iniciativa pa renoba varios departamento entre nan e edificio den J.G. Emanstraat caminda anteriormente e oficina di labor, voogdijraad, parket etc. tabata localisa. Cu

renobacion di e edificio ariba menciona y establecimiento di e Ministerio Publico na e localidad aki Gobierno ta percursa pa extende un mihor servicio na su publico. Esaki pa motibo cu e servicio Hudicial lo ta centralisa den un solo edificio.

E proyecto di renobacion aki ta suma un total di alrededor 1.6 Mion Florin. Durante un entrevista cu griffier, mr. Ing. H.C. Maduro el a splica cu lo restaura e edificio por completo, e sistema di electricidad, telefoon y airclo lo ser instala completamente di nobo. Oficinanan di Griffier y Hueznan lo bin den e seccion di J.G. Emanstraat y Hendrikstraat, mientras cu Procurador General y Mini-

sterio Publico lo fungi den Arendstraat.

Satisfactoriamente por menciona cu e localidad lo duna oportunidad pa un mihor servicio, lo tin un sala di audiencia, localidad pa archivo, sala di reunionnan, bibliotecanan hudicial na disposicion di hueznan, Griffier, etc. Oficinanan cu mas espacio pa

e personal y tambe pa deurwaarders, lugarnan especial pa tende testimonio, sala di espera, e personal cu ta keda parti merdia den trabao lo por haci uso di un cantina chiquito, ademas lo tin oficinanan special pa e juristanan y e partid dilanti lo bira mucho mas atractivo cu un parque y lugar di estacionamiento.

"Cu esaki mi ta sigur cu Aruba lo dispone di un aparato debidamente prepara pa traha e trabao dificil como Poder hudicial, dunando e servicio cu un estado di derecho mester duna e pueblo", señor E.J. (Watty) Vos a muestra cu hopi aña Hueznan y personal di e departamento hudicial a warda ariba e cambionan aki y awe por ta contento pa mira cu dentro di corto nan lo por dispone di un edificio y espacio cu berdaderamente ta un estimulo tambe pa nan trabao.

No por keda sin menciona cu e renobacion di e edificio aki lo contribui enormemente pa mehora tambe e imagen di e vecindario y di Aruba en general, Ministro Vos a termina bisando.

Exposicion Centro Kibrahacha na Centro di Bario Ayo y vecindario

ORANJESTAD(AAN)- Diadomingo dia 24 di April di 10'or di mainta pa 5'or di atardi Centro Kibrahacha en cooperacion cu Centro di Bario Ayo y vecindario ta organisa un exposicion combina cu actividadnan pa e grandinan na School di Ayo.

E exposicion di Centro Kibrahacha "con nos ta wak nos grandinan", ta consisti di obra di man traha door di bishitantenan di e centro, potretnan di actividadnan organisa door di e centro, potretnan di hende grandi y di dibuhonan di alumnonan di Colegio Arubano y School di Arte.

Durante e dia aki, lo tin actividadnan pa hende grandi manera weganan di domino y bingo y algun rifanan chiquito.

For di 1'or te cu 5'or di atardi lo tin ocasion pa baila ariba musica di caha di orgel.

Centro Kibrahacha y Centro di Bario Ayo y vecindario ta

invita tur hende pa bishita e exposicion y pa bin pasa un dia contento cu e grandinan.

Aruba Secretaries Association
& *Coca-Cola*

request the honor of the attendance of
"You Boss And Your Secretary (ies)",
for a
Buffet Luncheon

to be held at "ARUBA CONCORDE
HOTEL & CASINO" to commemorate
Secretaries Day, Wednesday,
April 27, 1988.

For further information & reservation
please call telephone 22444 Gloria
32510 Helen

GLENDAS BOUTIQUE



Recebe Roupas Do Brasil.
Venha Ja, Precos atractivos.

Toricellstraat 15-Do 3 p.m.-9 p.m.



Lago Annuity Foundation

Ennia Building
Suite # 31
Nassastraat # 85
Aruba

ANUNCIO

PENSIONISTANAN DI LAGO RESIDENCIA NA
ARUBA TA WORDU AVISA CU E
PENSION PA LUNA DI MEI 1988
LO WORDU PAGA
NA BANCONAN LOCAL
DIABIERNE, APRIL 29, 1988

LAGO ANNUITY FOUNDATION